



**Q**Vinterius Andernaci ad Mosellam apud Belgas natus est anno 1510. Is cum prima artium fundamenta in patria & uicina Germania feliciter percepisset, sese Lutetiam Parisiorum cōtulit, atq; Philosophiæ & linguarum studijs magna diligentia operam dedit. In ijs etiam adeò ob præclaram ingenij indolem profecit, ut in celebri ea schola Philosophiam publicè aliquandiu magna laude docuerit. Inde animum ad Medicã professionem adiecit, & uigilanti studio summa Doctõrũ in ea insignia impetrauit. Postea anno circiter 1543 Argentinam in Germaniam redijt, & liberali stipẽdio Magistratus prouocatus, Medicinã exer-

cere cœpit, idq; tanto cum fructu, ut eius eruditio, & in egrotis curandis felicitas, omnibus innotesceret. Cum etiam tempus supererat, quædam ex Græco in Latinam linguam trãstulit, & literariam rempub. augere contendit. scripsit etiam quædam de re Medica, & inter alia libellum de peste, cum 1564 lues illa per Rheni tractum atrocius grassaretur. Is Quintorius adhuc Argentinæ superest, atq; suis uirtutibus & rerũ experientia apud domesticos & externos magnum sibi nomen comparauit. Anon.